

Сургъульчнрин слет

Шидрхи Элст балгъсна хойрдгч номертӓ дундин школд балгъсна цуг школмудин сӓӓнӓр болн йилгӓӓн сӓӓнӓр сургъулян дасдг сургъульчнрин слет болв.

КПСС-н тангъгъчин комитетин, ВЛКСМ-н тангъгъчин болн балгъсна комитетсин кӓдлӓчнр, сургъульчнрин эк-эцкнр эн слетд ирцхӓв.

КПСС-н тангъгъчин комитетин сеглӓтр ӓр Б. О. Джимбинов слетиг секв.

—Мана Элст балгъснд сӓӓнӓр болн йилгӓӓн сӓӓнӓр сургъулян дасдг иим оln кӓвӓдкӓукд бӓӓдгнь—ик байрта, бахта юмн—гидж ӓр Джимбинов келв. Хальмг тангъгъчин ӓслтин болн делгрлгӓнӓ туск агъу ик зураг бичкдӓдт ӓр Джимбинов цӓӓлгӓдж ӓгв.

Залд октябратмӓд ордж ирцхӓв. Цугъар гартан улан ларцгуд бӓрцхӓдж, ӓрчднь тавн талта оддуд зӓӓлгӓӓтӓ.

—Слетд орлцачнриг, эн асхн сӓӓнӓр нӓӓрӓн кетн, сӓӓнӓр джиргътн—гидж нег дуугъар октябратмӓд йӓрӓцхӓв.

Школ болгӓна сургъульчнр эврӓннь художественн самодетельностӓн ӓзӓлв. Хальмг болн орс ду-би, инсценировкас болн шӓлгӓд умшдж ӓгцхӓв. Шатрин турнир бас болв.

Эн слетд нерӓддж гарси „Ленинск хаалгъар“ гидг эрсин газет йилгӓӓн сӓн болдж. Негдгч номертӓ дундин школин болн хойрдгч номертӓ долан джилӓ школ эрсин газет сӓӓнӓр гаргъсндан—мӓрӓлгдв.

Иим слет дару-дарунь кеджӓхмн гидж слетд ирси улс селвг ӓгцхӓв.

А. ТАТАРЕНКО.